

Xaus lossis Hloov kho Qhov kev tswj saib xyuas

Cov Lus Nquag Nug

Kev Tswj Saib Xyuas txawj xaus tau lossis hloov tau. Qhov kev tswj saib xyuas twb yeej yog teem los pab rau tug neeg uas muaj qhov kev tsis paub tab, hlwb kev xav tsis tiaj tus, lossis lub hlwb xiam oob qhab tsis loj hlob zoo tsis txawj xav tob tob vim tau muaj kev txhawj xeeb txog tus neeg kev noj qab nyob zoo lossis tus neeg ntawd tsis paub pab tiv thaiv nws tus kheej thiab tswj nws cov nyiaj txiag. Txawm tias yav tag los muaj tus tswj saib xyuas txhais tsis tau tias tamsim no yuav tsum muaj ib tug. **Nws yog ib qho zoo tswvyim rov los soj dua seb puas tseem xav tau kev pab ntxiv lossis tseem xav tau li tamsi no.**

Qhov kev tswj saib xyuas yuav muaj nyob ntev li cas?

Muaj nyob ntev raws li lub sijhawm tus kws txiav txim teem tseg, tsis li ntawd ces tus tswj saib xyuas yuav muaj nyob kom txog thaum:

- Tus neeg tag sim neej.
- Lub rooj txiav txim xaus lossis hloov qhov teem tseg tom qab txais daim ntawv tsis txaus siab (petition) thiab muaj ntawv pov thawj tias tus neeg tsis tas yuav muaj tus tswj saib xyuas thaum mus rau nram tsev hais plaub.

Hloov puas tau lossis xaus puas tau?

Tau kawg, txawm tias tug neeg qhov xiam oob qhab tsis tau zoo tuaj los yeej tseem muaj txoj hau kev thov kom xaus qhov kev tswj saib xyuas kom tu nrho lossis muab ib co caij rov qab rau tus neeg ntawd uas tseem tseg tau ib co kev tiv thaiv los ntawm kev hloov kho cov hwjchim ntawm qhov kev tswj saib xyuas.

Yog li cas thiaj li xav tias yuav hloov?

- Tus neeg yuav muaj kev pab txiav tsim siab lossis kev tswj nws cov nyiaj txiag tshaj li thaum muaj tus tswj saib xyuas.
- Muaj cov hau kev pab tshiab lossis cov kev pab muaj ntau dua lossis cov tshiab no yuav haum tus neeg dua.
- Tamsim no peb paub ntxiv txog cov kev pab uas muaj los txhawb txheem tus neeg kom tus neeg rov pab tau nws tus kheej thiab tuav tau nws txojcai los txiav txim siab rau nws tus kheej.

Cov lus koj yuav tau nug ua-ntej koj xaus lossis hloov ib yam dabtsi li?

- Tus neeg puas muaj cov neeg uas ib txwm pab nws? Puas yuav qhia tau tias lawv yog leejtwg thiab cob qhia puas tau?
- Tus neeg no puas yuav txaus siab txais kev pab?
- Xav txog tagnrho cov dejnum uas tus tswj saib xyuas niaj hnub ua: Tus tswj saib xyuas puas yuav txaus siab pab li niaj hnub no yog hais tias nws tsis yog tus tswj saib xyuas lawm? Qhov no yog xws li pab rau tej txujci hauv tuam txhuab tuav nyiaj lossis kws li choj taws tus neeg pab sawv cev los ntawm kev ua daim ntawv Power of Attorney. Puas muaj lwm tug neeg txaus siab pab thiab?
- Puas (muaj) lwm yam cuab yeej lossis lwm txoj haus kev uas yuav pab tau thiab tsis kom tsev hais paub taws tus neeg tswj saib xyuas?
- Puas yuav tiv thaiv tau cov nyiaj yog tsis muaj qhov kev tswj saib xyuas?

Thaum twg thiaj zoo sijhawm los saib seb puas tseem tsim nyob siv kev tswj saib xyuas?

- Txhua xyoo thaum txog caij ua cov ntaub ntawv qhia rau tsev hais plaub.
- Yog muaj kev hloov ntawm tus neeg kev txaus siab txais kev pab lossis tus neeg tsis muaj nyiaj lossis tsis (muaj) khoom vaj khoom tsev los rau tus tswj saib xyuas los tswj lawm.
- Tamsim no muaj cov kev txhawb txheem thiab cov kev pab uas tsis muaj yav tag los.
- Yog tus neeg tau nug txog kev xaus lossis kev hloov qhov kev tswj saib xyuas.

Xaus lossis Hloov kho Qhov kev tswj saib xyuas

FAQs

Tus neeg qhov xiam oob qhab lossis tus mob tsis tau hloov — lawv puas tseem yuav tau muaj tus tswj saib xyuas?

Tsis tas yuav tsum muaj. Qhov yuav tau muaj tus tswj saib xyuas yog raws ntawm qhov saib seb tus neeg cov nyiaj puas txaus rau nws sim cov hau kev uas tsis tshuam nruj, tsis yog rau nws qhov xiam oob qhab, tus mob, lossis qeb nws lub cev ua tau. Thaum xub pib thov kom tau tus tswj saib xyuas, lub tsev hais plaub yuav kom muaj povthawj tias:

- Twb yeej tau sim lwm txoj hau kev uas muaj kev txwv tsawg zog,
- Twb sim tau hov ntev lawm thiab
- Yog li cas cov hau kev sim ntawd thiaj li tsis ua haujlwm.

Yog tias tamsim no muaj cov hau kev siv es txojcai tsis tshuam nruj tabsi ho pab tau tus neeg raws li qhov lawv xav tau, lossis yog muaj khoom vaj khoom tsev tsawg los tswj, ces tej zaum twb tsis tas yuav muaj tus tswj saib xyuas.

Cov ntsiab tseem ceeb uas qhia peb tias yuav tau saib thaum peb xav txog qhov yuav xaus lossis hloov qhov kev tswj saib xyuas?

Nyob rau hauv Supported Decision Making qhov kev tsim kho tsis ntev tag los no peb pom tau tias tej lub sijhawm twb tsis tas muaj kev tswj saib xyuas. Xam rau tej xwm txheej uas twb ho tau hloov txij li thaum muaj kev tswj saib xyuas los txiav txim seb puas tsim nyog muaj tus tswj saib xyuas kom pab tau tus neeg raws li nws xav tau:

- Tus neeg txav tau lossis rov txawj ua ub no.
- Muaj txujci tshiab uas pom tias pab tau tus neeg li lub tswb nrov hauv xovtooq qhia kom nco them cov nqe.
- Muaj cov cuab yeej hauv tuam txhab tuav nyiaj xws li xa nyiaj ncaj qha (direct deposit) thiab teem sijhawm them (auto-pay).
- Muaj cov neeg teem los tswj cov nyiaj txiag li tus Representative Payee, Daily Money Managers, lossis pab rau kev saib cov nuj nqe thia ntaub ntawv.
- Muaj kev txaus siab pab tshiab los ntawv tsev neeg, phoojywg, lossis zejzog.
- Tus neeg tsis muaj tej yam muaj nqe uas yuav tau kom muaj tus tswj saib xyuas lawm.
- Tej kev raug haub lossis kev raug dag ntxias txeeb nyiaj yav tag los, nimno tsis ua teeb meem lawm.
- Muaj kev pab txhawb txheem thiab muaj cov kev pab uas yav tag los tsis muaj ib yam li tus Representative Payee.

Thiab yuav tau muab coj los xav seb puas muaj lwm txoj hau los pab tau nws thaum xaus nws qhov kev pab tswj saib xyuas:

- Tuam txhab tuav nyiaj (Online banking): Tus neeg uas nws ntseeg tau siab los pab tswj siab tej yam muaj nyob rau hauv lub tuam txhab tuav nyiaj kom txhob muaj kev txhawj txog siv nyiaj phum lam lossis tsis them cov nqe los tau.
- A Representative Payee.
- A Power of Attorney lossis muaj kev pab los ntawm ib tug neeg nws ntseeg siab tau rau hauv lub tuam txhab tuav nyiaj.
- Tsev neeg, phoojywg, lossis kev pab los ntawm zejzog.

Muab Xav: Puas muaj lwm yam kev pab uas yuav hloov tau qhov kev tswj saib xyuas? Tej zaum twb yeej muaj cov kev pab no lawm uas twb tsis tas yuav muaj qhov kev tswj saib xyuas li.

Xaus lossis Hloov kho Qhov kev tswj saib xyuas

FAQs

Peb puas yuav tau muaj ntaub ntawv lossis kev txhawb los ntawm tus kws kho mob lossis lwm tus neeg pab rau sab kab mob kev kheeg?

Tsis tas muaj. Tsis tas muaj kev soj kuaj ua pov thawj los ntawm tus kws kho mob lossis tus kws kho siab ntsws lub hlwb txojkev xav, tias tus neeg zoo tuaj lawm, paub tab lawm, lossis nws txojkev xav zoo lawm. Koj tsuas yog qhia kom meej tias:

- Tus neeg tsis yuav kev pab txog qeb kev tiv thaiv uas tus tswj saib xyuas tau ua los, thiab
- Lawv cov kev pab tsis tas saib nruj nruj lawm.

Minnesota txojcai yuav tsis kom muaj ntaub ntawv povthawj, dua li ntawm daim ntawv tsis txaus siab (petition) los mus xaus (lossis hloov kho) qhov Kev Tswj Saib Xyuas thiab lwm cov ntawv hauv tsev hais plaub uas txheeb rau tsev hais plaub kev ua ntaub ntawv uas (xam rau hauv yog kev suav nyiaj zaum kawg, Final Accounting). Tej zaum yuav tau yuav kev pab txhawb. Tej zaum yuav tsum tau muaj kev pab tawm tswv yim ntiv kom qhia tau rau lwm tus txog yam uas txojcai xav tau. Muaj qees zaus cov kws txiav txim plaub ntug yuav hais kom muaj cov ntaub ntawv povthawj, nyob rau qhov zoo li no ces yog muaj cov ntaub ntawv los ntawm cov kws li txawj (professionals) yuav pab tau ntau heev.

Peb yuav npaj li cas rau tom lub rooj hais plaub?

Npaj koj tus kheej los mus qhia rau lub rooj hais plaub:

- Yam dabtsi twb tau hloov txij li thaum pib qhov kev tswj saib xyuas.
- Yam cuab yeej twg uas yog raws li txojcai nej twb ho tau mus tshawb nrhiav nrog tus neeg thiab lawv ho yuav siv dabtsi los pab thum muab qhov kev tswj saib xyuas xaus (piv txwv li qhov, Power of Attorney los tswj thiab tiv thaiv cov nyiaj txiag).
- Tus neeg yuav uas li cas thiaj li siv tau kev pab tus thiab cov kev pab.
- Nws yuav siv kev pab txhawb kev txiav txim siab li cas thiab lwm yam cuab yeej thaum nws xav tau kev pab kom muaj kev totaub txog nws tej xwmtxheej thiab txiav txim tau siab tias nws ib leeg xwb yuav txiav txim siab tsis tau.

Tus social worker, tus kws kho mob, lossis lwm cov kws li txawj rau sab kev noj qab nyob zoo cov lus qhia rau hauv txojkev txhawb kev xaus lossis hloov kho kev tswj saib xyuas tsis tsim nyob, tabsi yuav pab tau koj rooj plaub muaj zog dua.

Peb yuav npaj li cas? Tus neeg lub neej puas yuav muaj kev ntshov siab yog cia li tsis muaj tus tswj saib xyuas lawm?

Xaus qhov kev tswj saib xyuas txhais tsis tau tias nws li kev pab yuav xaus. Qhov no txhais tias tus neeg yuav tau qhov kev pab nws xav tau thiab xav tau kev pab tswj thiab tiv thaiv nws cov nyiaj txiag, es kom txhob cia lub rooj hais plaub taws tus tswj saib xyuas. Nyob ntawm tus neeg kev xav tau, siab nyiam, thiab muaj lub peev xwm raws li txojcai los nkag mus rau huv daim ntawv cog lus, nws muaj cai xaiv los mus:

- Kos npe Tso Cai Rub Ntaub Ntawv los ntawm cov kws muab kev pab yav tag los es thiaj li muaj lwm tus nrog cov kws muab kev pab tham txog qhov them cov nqe.
- Sau ntawv qhia cov hau kev pab los ntawm kev ua daim ntawv Supported Decision Making Agreement.
- Teeb tuam txhab khaws nyiaj tej cuab yeej xws li auto-pay thiab direct deposit rau koj cov nyiaj hli.
- Taw ib tug neeg los tswj cov nyiaj txiag rau lawv los ntawm daim ntawv Power of Attorney (qhov no yog hu ua ib tug attorney-in-fact, tabsi nws tsis tas yuav tog ib tug kws li choj) lossis nws yam kev npaj.
- Yog nws muaj ib tug Representative Payee los tswj nws cov txiaj ntsim ntawm Social Security, qhov kev sib pab ntawd yuav nyob li qub txawm hais tias qhov tswj saib xyuas muab xaus lawm, vim twb yeej tus neeg ntawd los

Xaus lossis Hloov kho Qhov kev tswj saib xyuas

FAQs

ntawm Social Security Administration.

Tseem ceeb tshaj no yog tus neeg yuav tsum koom kev sib tham rau hauv tej kev npaj.

Es yog tias tus tswj saib xyuas tamsim no lossis lwm cov neeg tseem ntseeg tau tias yeej tseem yuav tsum muaj kev tswj saib xyuas nes?

Neeg yeej muaj qhov kev txhawj xeeb lossis tsis paub zoo thaum tham txog tej yam hloov loj li qhov xaus qhov tswj saib xyuas. Nws yuav muaj kev totaub zoo yog ua twb zoo phia rau tus neeg uas txhawj xeeb ntawd:

- Tias tus neeg uas muaj qhov kev tswj saib xyuas lees paub tias nws yeej tseem xav tau thiab xav tau cov kev pab xws li yam tus tswj saib xyuas tau ua.
- Yuav muaj cov kev pab li cas rau tus neeg yog thaum muaj qhov kev tswj saib xyuas xaus.

Thaum kawg, lub tsev hais plaub yuav txiav txim siab seb puas yuav xaus kev saib xyuas lossis tsis xaus, yog li tus neeg thiab nws cov neeg txhawb thiaj li tseem ua txuas toj ntxiv mus rau lwm cov neeg cov kev tsis pom zoo. Nyob hauv daim ntawv tsis txaus siab thiab tom rooj hais plaub tus neeg thiab cov neeg pab txhawb nws yuav tau npaj los qhia lub ntsiab seb yog vim li cas thiaj li yuav xav xaus qhov kev tswj saib xyuas thiab yuav muab kev pab qhov twg los yog thaum muab qhov tswj saib xyuas xaus lawm.

Yog tus tswj saib xyuas lossis cov neeg tawm tsam tsis pom zoo ces tus neeg yuav shwb nws qhov kev thov kom xaus qhov kev tswj saib xyuas, yuav tau tawm ib co tswv yim kom zoo:

- Xav txog qhov nug kom taws ib tug tswj saib xyuas tshiab los ua toj tus qub es txhob muab qhov kev tswj saib xyuas xaus. Nrhiav ib tug neeg uas nquag pab los xaiv ib tug tswj saib xyuas toj tej zaum yuav txo tau cov kev tawm tsam uas muaj los ntawm tus tswj saib xyuas qub thiab txog lwm tus. Tus ua toj thiab tus neeg mob mam li koomtes kom zaus tau qhov kev tswj saib xyuas rau yav pes suab.
- Pib nrog qhov nug kom Lub Rooj Hais Plaub kom hloov kho qhov kev tswj saib xyuas es txhob muab xaus, kom qhia tau tias tus tswj saib xyuas yeej tseem ua tau qees yam dejnum uas tsis yog lub tsev hais plaub taws kom ua rau txhua yam.
- Tus neeg, lawv tus saib xyuas, thiab lwm cov neeg ua pab txhawb mam koom siab los txhawb txuj nyob rau haus kev nyabxees rau qhov kev saib xyuas, thiab ua ntawv tsis txaus sib rau qhov xaus thiab qhov kev pab tsis tshuam nruj rau lwm hnub.

Kom Paub Ntxiv

Kom ntsib tham txog kev pab kom haum koj qhov xwm txheej, tivtas:

Xovtooj Qhia Txog Guardianship:

☎ **952-945-4174** lossis **844-333-1748**

✉ **cesdm@voamn.org**

Mus saib peb lub website kom paub ntxiv txog cov kev pabcuam:

🌐 **www.voamnwi.org/cesdm**
lossis xoo qhov QR code



Qhov kev tsim daim ntawv no yog tau kob nyiaj los ntawm MN Department of Human Services, Aging and Disability Services Division.